


# Le pueretta con le flammiferos

H.C. Andersen



### **H.C. Andersen: Le pueretta con le flammiferos**

Le texto es publicate in occasion del 200-esime anniversario de H.C. Andersen. Iste version es del libro “Septe Contos de Hans Christian Andersen” traducite in interlingua per H.P. Frodelund e illustrate per Gert Tamboer, professor del artes graphic a Utrecht, Nederland (publicate per Dansk Interlingua Union, 1975).

Transcription e composition: Thomas Breinstrup.

Publicate: januario 2006

© 2006 H.P. Frodelund e le Union Mundial pro Interlingua

*Tote derectos reservate. Iste texto es facite disponibile pro uso non-commercial solmente. Tote formas de re-vendita o re-distribution electronic o imprimite es prohibite sin permission in scripto. Nulle parte de iste publication pote assi esser reproducite, copiate, conservate in un sistema de cercar o transmittite in ulle forma o per ulle metodo: graphic, electronic, mechanic, photographic, registrate sur disco o cassetta, transferite a bases de datos o in altere maniera sin permission in scripto. Es permette citar in recensiones con indication del fonte.*

**Bibliotheca electronic in interlingua**

[www.interlingua.com](http://www.interlingua.com)

Le Bibliotheca electronic in interlingua es un collection de eLibros, redigite e publicate per le Union Mundial pro Interlingua (UMI), [www.interlingua.com](http://www.interlingua.com)

## Le pueretta con le flammiferos

Il faceva un tremende frigido; il nivava e comenciava annocatar, il era etiam le ultime vespere del anno, le vigilia del anno nove. In iste frigido e in iste tenebras iva in le strata un pueretta paupere con capite discoperte e pedes nude; es ver que illa portava pantoflas quando illa partiva del domo, sed a que bono? Le pantoflas era multo grande, su madre los habeva usate, si grande illos era e le parva los perdeva, precipitante se a transverso le strata al momento ubi duo vehiculos passava velocemente, un del pantoflas non era retrovabile, e un puero escampava con le altere; ille diceva que illo poterea servir de cuna quando ille ipse haberea infantes.

Ibi le pueretta iva a nude parve pedes que era rubie e blau de frigido; in un vetere avantal illa teneva un quantitate de flammiferos e un fasce illa portava in le mano; nullo habeva comprate de illa tote le die; nullo la habeva donate un soldo; affamate e refrigeriate illa iva e pareva si opprimit, le povretta! Le floccos de nive cadeva in su longe capillos jalne con le belle buclas circum le nuca, sed a iste ornamento illa non pensava. Per omne fenestras brillava le lumines, e in le strata il habeva un odor deliciose de oca rostite; como dicite, il era le vigilia del anno nove, e a isto illa pensava.

In un angulo inter duo domos, le un saliva in le strata un paoco plus que le altere, ibi illa sedeva e quattava; sed illa habeva ancora plus frigido, e illa non osava ir a domo post que illa non habeva vendite ulle flammiferos, non recipite un sol soldo, su patre la batterea, e etiam a domo il faceva frigido, illes habeva solmente le tecto directemente super se, e ibi le vento penetrava ben que palea e pannellos era mittite in le plus grande fissuras. Su parve manos era quasi torpide



de frigor. Oh, un parve flammifero facerea ben. Si illa solmente osava tirar un ex le fasce, incender lo al muro e tepidar le digitos. Illa extraheva un, “ritch!” como illo vomitava scintillas, como illo ardeva! Le flamma era calide e clar como un parve candela quando illa teneva le mano circum illo; illo era un lumine estranie; il pareva al pueretta que illa sedeva ante un grande estufa de ferro con bollas e cylindro de laton; le foco ardeva si agradabile, calefaceva si ben; oh no, que era illo? ) Le parva extendeva jam le pedes pro etiam calefacer se istos, ... tunc le flamma se extingueva. Le estufa dispareva, illa sedeva con un pecietta del flammifero consumite in le mano.

Un altere era incendite, illo ardeva, illo brillava, e ubi le luce illuminava le muro, isto deveniva transparente como un velo; illa reguardava directemente ad in le camera ubi le tabula stava ponite, con un blanchissime copertura de tabula, con porcellana fin, e deliciosamente fumava le oca rostite, reimplete de prunas sic e pomos; e lo que era ancora plus splendide: le oca saltava ex le platto, titubava, con furchetta e cultello in le dorso, per le solo; directemente verso le paupere puera illo veniva; tunc le flammifero se extingueva, e solmente le compacte muro frigide era visibile.

Illa incendeva ancora un. Tunc illa sedeva sub le plus belle arbore de Natal; illo era ancora plus grande e plus

adornate que illo que illa per le porta vitree habeva vidite a presso del ric negotiante le Natal passate; mille candelas flagrava super le verde brancas, e imagines multicolor, como illos que imbelliva le vitrinas, la reguardava. Le parva exten-deva ambe manos in alto ) tunc le flammifero se extingu-va; le multe candelas de Natal ascendeva semper plus in alto, illa videva que illos nunc era le stellas clar, un de illos cadeva e faceva un longe stria de foco super le celo.

“Nunc alicuno mori!” diceva le parva, post que le vetule granmatre, le sol qui habeva essite bon con illa, habeva dicite: Quando un stella cade, un anima ascende a Deo.


Illa incendeva de novo un flammifero al muro, illo splen-deva a omne partes, e in le splendor stava le vetule gran-matre, si clar, si lucente, si clemente e benedicte.

“Granmatre!” clamava le parva, “oh, prende me con te! Io sape que tu va disparer quando le flammifero se extingu-era, disparer como le calide estufa, le deliciose oca rostite, e le grande benedicte arbore de Natal!” ) e illa incendeva in haste tote le flammiferos restante in le fasce; illa voleva retener granmatre; e le flammiferos luceva con un tal splen-dor que il era plus clar que al luce diurne. Granmatre habeva nunquam essite si belle, si grande; illa levava le pueretta a in su bracio, e illas volava in splendor e jubilo si alteamente, si alteamente; e ibi il habeva nulle frigido, nulle fame, nulle

pavor ) illas era a presso de Deo.


Sed in le angulo al domo sedeva in le frigide matinata le pueretta con genas rubie, con un surriso al bucca ) morte de frigido le ultime vespere del anno passate. Le matino del anno nove nasceva super le parve cadavere que sedeva con le flammiferos del quales un fasce era quasi consumite per foco. Illa ha volite calefacer se, diceva gente; nullo sapeva le belle que illa habeva vidite, in qual gloria illa con le vetule granmatre habeva entrate al jubilo del anno nove.

## H.C. ANDERSEN IN INTERLINGUA



● “**Septe Contos de Hans Christian Andersen**”, traducite per H.P. Frodelund, Dansk Interlingua Union, 1975, 36 pp. A5, illustrate per professor Gert Tamboer, Nederland. *Contento:* Le Pueretta con le Flammiferos, Le perseverante Soldato de Plumbo, Le nove Roba del Imperator, Le Princessa super le Piso, Il es absolutemente certe, Le Prince maligne, Post mille Annos.

**H.C. Andersen**”, per Christina Brandt & Thomas Breinstrup, Servicio de Libros UMI, Nederland, 1987, 106 pp. A5, illustrate per Henrik Breinstrup, Vilhelm Pedersen e Lorenz Frölich, ISBN 90-71196-07-0. *Contento:* Le Accenditor, Ole Claude-oculos, Le Fede Anatetto, Le Porchero, Parve Claus e Grande Claus, Le Fidantiates, Le Coffro Volante, Le Umbra, Le Parve Sirena, Le Gnomo presso le Salsiciero, Illa Non Valeva, Le Rossiniolo, Le Gutta de Aqua, Le Agulia de Sarcir, Le Pastora e le Netta-Camino, Lo que Papa face, sempre es lo correcte.



Ab le Tresor de Contos  
per H. C. Andersen



Christina Brandt &  
Thomas Breinstrup



● “**H.C. Andersen: Contos e historias**” (in le serie: Clasicos in Interlingua), traducite per Thomas Breinstrup, Servicio de Libros UMI, Nederland, 1995, 84 pp. A5, illustrate per Henrik Breinstrup, Vilhelm Pedersen e Lorenz Frölich, ISBN 90-71196-37-2. *Contento:* Le Flores del Parve Ida, Pollicetta, Le Puer Mal Educate, Le Abiete de Natal, Le Collina del Elfes, Le Scarpas Rubie, Le Saltatores, Le Historia de un Matre, Le Collares, Le Lino, Ave Phenice, Cinque ab un Siliqua de Piso, Duo Virgines, Agreste, Le Homine de Nive, Le Schilling Argentin, Le Theiera, Celate non es Oblidate, Le Dies del Septimana, Le Pulice e le Professor.